

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj : 53/20

Sarajevo, 07.09 2020. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 53/20 od 12.08.2020. godine, u postupku javne nabavke br. 53/20 „**Potopne pumpe za prihranjivanje na vodozahvatima na Izvorištu Bačevo**“ donosi se :

ODLUKA
o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 53/20 od 12.08.2020. godine i ugovor za javnu nabavku roba : „Potopne pumpe za prihranjivanje na vodozahvatima na Izvorištu Bačevo“ – tender broj 53/20 dodjeljuje se ponuđaču: „Hidro – Termo Centar“ d.o.o. Sarajevo, ponuda broj: 047/20 od 28.07.2020. godine, za ponuđenu cijenu od **49.840,00 KM** bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču „**Hidro –Termo Centar**“ d.o.o. Sarajevo po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : OP 53/20 od 17.06.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 50.000,00 KM.

Obavještenje o nabavci broj : 247-1-1-74-3-205/20 poslato je na objavljivanje na Portal javnih nabavki dana 24.06.2020. godine, a sažetak obavještenja o nabavci objavljen je u Sl. glasniku BiH broj : 37. od 26.06.2020. godine.

Komisija za javnu nabavku imenovana je Rješenjem br. 01/20 od 07. 01. 2020 godine i dodatni članovi komisije imenovani dopunskim Rješenjem br: 53/20-1 od 17.06. 2020 godine..

Komisija za javnu nabavku dostavila je dana 02.09.2020.g. Preporuku o izboru najpovoljnijeg ponuđača broj 53/20 u postupku javne nabavke roba: „Potopne pumpe za prihranjivanje na vodozahvatima na Izvorištu Bačevo“ - tender broj 53/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 3 (tri) ponude ponuđača: „Hidro-mont“ d.o.o. Novi Grad, "Hidro-Termo Centar" d.o.o. Sarajevo i "O-mega-III" d.o.o. Sarajevo
- Da je blagovremeno zaprimljena: 3 (tri) ponude ponuđača: „Hidro-mont“ d.o.o. Novi Grad, "Hidro-Termo Centar" d.o.o. Sarajevo i "O-mega-III" d.o.o. Sarajevo
- Da nije bilo neblagovremeno zaprimljenih ponuda
- Da dostavljene ponude ponuđača "Hidro-mont" d.o.o. Novi Grad, "Hidro-Termo Centar" d.o.o. Sarajevo i „O-mega-III" d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponude..

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđači		
		"Hidro-mont" d.o.o. Novi Grad	"Hidro-Termo Centar" d.o.o Sarajevo	"O-mega-III" d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 4.	DA, međutim nije upisan broj Sl. glasnika BiH	DA	DA, međutim nije upisan broj obavještenja o nabavci kao i broj Sl. glasnika BiH
2.	Tačka: 14.1. TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5.	DA, međutim nije upisan broj Sl. glasnika BiH	DA	DA, međutim nije upisan broj obavještenja o nabavci kao i broj Sl. glasnika BiH
2.1.	Tačka: 14.1. TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA	DA

Ponudač "**Hidro-mont**" d.o.o. Novi Grad u dostavljenim Izjavama čl. 45. i 47. nije naveo broj iz Sl. glasnika BiH.

Prema mišljenju Komisije nepopunjavanje broja iz Sl. Glasnika BiH u izjavama iz čl. 45. i 47. ne predstavlja nedostatak zbog kojeg bi ponuda trebala biti odbačena jer imajući u vidu da se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene od strane ovlaštenog lica, a također je upisan tačan naziv predmeta nabavke, naziv ugovornog organa kao i broj postupka ugovornog organa.

Daljim pregledom ponude ponuđača "**Hidro-mont**" d.o.o. Novi Grad konstatovano je da je isti vršio korekcije u ponudi i to:

-Izjava ponuđača u dijelu gdje je riječima napisan broječan iznos vrijednosti ponude, potom u obrascu za popis dokumenata i to pod rednim brojevima 4, 7, i 11.

Navedene ispravke su urađene na način da je korektorom brisana greška.

Konstatovano je da izvršene ispravke nisu urađene u skladu sa tačkom 17.1.5 tenderske dokumentacije „Ispravke u ponudi“, koja jasno i precizno definiše način vršenja ispravki i to:

Ukoliko ponuđači vrše ispravke u ponudi, iste moraju biti urađene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda ("Službeni glasnik BiH", br. 90/14, 20/15).

Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekriži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.

Komisija je utvrdila da ponuda ponuđača "**Hidro-mont**" d.o.o. Novi Grad ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4), tačka i) Zakona o javnim nabavkama.

Ponuđač "**O-mega-III**" d.o.o. Sarajevo u dostavljenim Izjavama čl. 45. i 47. nije naveo broj obavještenja o nabavci i broj Sl. glasnika BiH.

Prema mišljenju Komisije nepopunjavanje broja obavještenja i broja Sl. glasnika BiH u izjavama čl. 45. i 47. ne predstavlja nedostatak zbog kojeg bi ponuda trebala biti odbačena jer imajući u vidu da se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene od strane ovlaštenog lica, a također je upisan tačan naziv predmeta nabavke, naziv ugovornog organa kao i broj postupka ugovornog organa.

Komisija konstatuje da ponude ponuđača ponuđač „**Hidro-Termo Centar**“ d.o.o. Sarajevo i "**O-mega-III**" d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtijevana dokumentacija/aneksi-prilozi	Ponudač	
		„Hidro-Termo Centar“ d.o.o Sarajevo	„O-mega-III“ d.o.o. Sarajevo
1.	Tačka: 15. TD: Pismena izjava ponuđača iz člana 52. Zakona o javnim nabavkama – Aneks VIII; Prilog 6.	DA	DA, međutim nije upisan broj obavještenja o nabavci kao i broj Sl. glasnika BiH
2.	Tačka: 16. TD pod 10: Ostala zahtijevana dokumentacija: Tehničke listove proizvođača za predmetne pumpe za prihranjivanje i to: - Tehničke listove iz koje se može jednoznačno utvrditi da se radi o navedenom tipu pumpe Q-H,	DA	DA, isti su dostavljeni na slovenačkom jeziku
2.1	Tehničke listove sa pregledom ugrađenih materijala osnovnih elemenata pumpe i motora	DA	NE
2.2	Tehničke listove sa ugradbenim mjerama pumpe i motora	DA	DA, isti su dostavljeni na slovenačkom jeziku
3.	Tačka: 16. TD pod 1: Obrazac za ponudu – Aneks II; Prilog 1.	DA	DA
3.1	Tačka: 16. TD pod 1.1.: Popis dokumenata uz ponudu koji čini sadržaj ponude – Aneks II; Prilog 1.	DA	DA
4.	Tačka: 20 TD: Obrazac za cijenu ponude – Aneks III; Prilog 2.	DA	DA
5.	Tačka 16. TD pod 3: Obrazac za obim isporuke – Prilog 3	DA	DA
6.	Tačka: 31. i 37. TD: Načrt ugovora o javnoj nabavci – Prilog 8.	DA	DA
7.	Tačka: 42. TD: Povjerljive informacije – Prilog 7.	DA	DA

Ponudač **„O-mega-III“ d.o.o. Sarajevo** u dostavljenoj Izjavi čl. 52. nije naveo broj obavještenja o nabavci i broj Sl. glasnika BiH.

Prema mišljenju Komisije nepopunjavanje broja obavještenja i broja Sl. glasnika BiH u izjavi čl. 52. ne predstavlja nedostatak zbog kojeg bi ponuda trebala biti odbačena jer imajući u vidu da se iz sadržaja izjave nesporno utvrđuje da se ista odnosi na predmetni postupak nabavke, te da je ista uredno potpisana i ovjerena od strane ovlaštenog lica, a također je upisan tačan naziv predmeta nabavke, naziv ugovornog organa kao i broj postupka ugovornog organa.

Pregledom ponude ponuđača **„O-mega-III“ d.o.o. Sarajevo** od strane stručnih lica konstatovano je sljedeće:

- U dijelu ostala zahtijevana dokumentacija, tačka 16. stavka 10. tenderske dokumentacije, ponuđač je dostavio sljedeće:

- Tehničke listove iz koje se može jednoznačno utvrditi da se radi o navedenom tipu pumpe Q-H

Isti su dostavljeni ali na slovenačkom jeziku.

- Tehničke listove sa pregledom ugrađenih materijala osnovnih elemenata pumpe i motora

Isti nisu dostavljeni.

- Tehnički listovi sa ugradbenim mjerama pumpe i motor:

Isti su dostavljeni ali na slovenačkom jeziku.

Pregledom ostale zahtjevano dokumentacije ponuđača „O-mega-III” d.o.o. Sarajevo konstatovano je da isti nije postupio u skladu sa tačkom 26. „Jezik i pismo ponude“ tenderske dokumentacije u kojoj je definisano sljedeće:

„Ponuđač podnosi ponudu na jednom od jezika u službenoj upotrebi u Bosni i Hercegovini, na ćirilicom ili latiničnom pismu. Ukoliko se bilo koji dio ponude (kvalifikaciona dokumentacija, prateća dokumentacija, tehnička dokumentacija itd.) dostavlja na stranom jeziku ponuđač obavezno u ponudi mora da dostavi i prevod ovlaštenog sudskog tumača za jezik sa kojeg je prevod izvršen. Prevod ovlaštenog sudskog tumača dostavlja se u originalu ili ovjerenj kopiji, dok se dokument/dio ponude sa kojeg je prevod izvršen, dostavlja u originalu ili ovjerenj kopiji originala.

Dokument koji je preveden od strane sudskog tumača mora sadržavati ovjeru sudskog tumača.

Štampana literatura, brošure, katalogi ili slično koje dostavlja ponuđač ne moraju biti prevedeni.

Daljim pregledom ponude ponuđača „O-mega-III” d.o.o. Sarajevo konstatovano je sljedeće:

U dostavljenom Obrascu za cijenu ponude – Aneks III; Prilog 2, ponuđač nije popunio sve stavke i to kolone pod rednim brojevima 4. "Proizvođač zemlja porijekla", 5. "Standard-kvalitet" i 6. "Kataloška oznaka", a isti je bio obavezan da popuni sve stavke koje su zahtjevano tenderskom dokumentacijom.

Tenderskom dokumentacijom, tačka 20. – „Obrazac za cijenu ponude“ definisano je sljedeće:

Obrazac za cijenu ponude koji je dat kao Prilog 2. tenderske dokumentacije – Aneks III se priprema u skladu sa zahtjevima iz tenderske dokumentacije i čini sastavni dio tenderske dokumentacije.

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbacena.

Ukoliko Obrazac za cijenu ponude sadrži više stavki, ponuđač je dužan dati ponudu za sve stavke, vodeći pri tome računa da ukupan zbir cijena svih stavki u specifikaciji ne može biti 0 (nula).

Shodno gore navedenom ponuda ponuđača "O-mega-III" d.o.o. Sarajevo se odbacuje kao neprihvatljiva u skladu sa članom 68. stav (4), tačka i) Zakona o javnim nabavkama, te ista nije predmet daljeg razmatranja.

Komisija konstatuje da je ponuđač „Hidro-Termo Centar" d.o.o. Sarajevo dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Računskom kontrolom specifikacije ponude ponuđača „Hidro-Termo Centar" d.o.o. Sarajevo konstatovano je da nema računskih grešaka.

Konstatovano je da ponuđač „Hidro-Termo Centar" d.o.o. Sarajevo nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „**Hidro-Termo Centar**“ d.o.o. Sarajevo iznosi **49.840,00 KM bez PDV-a.**

Komisija jednoglasno daje prijedlog Ugovornom organu da za nabavku roba „**Potopne pumpe za prehranjivanje na vodozahvatima na Izvorištu Bačevo**“ – tender broj **53/20** donese Odluku o dodjeli ugovora ponuđaču: „Hidro-Termo Centar“ d.o.o. Sarajevo, broj ponude: **047/20 od 28. 07. 2020 godine**, čija vrijednost ponude iznosi: **49.840,00 KM bez PDV-a.**

Iz gore navedenih razloga, primjenom člana 64. stav 1. tačka b) ZJN, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :
- Ponuđaču
- a/a



Direktor

Enver Hadžiahmetović, dipl.ing.maš.